



Bosna i Hercegovina
Federacija Bosne i Hercegovine
Kanton Sarajevo – Grad Sarajevo
OPĆINA CENTAR SARAJEVO
Općinski načelnik

Sarajevo, 13.04.2020. godine

JAVNI POZIV

ZA ISKAZIVANJE INTERESA ZA DODJELU PLASTENIKA U OPĆINI CENTAR SARAJEVO

Poštovani sugrađani,

Svjesni situacije u kojoj smo se zadesili, kako Bosna i Hercegovina tako i cijeli svijet, Općina Centar Sarajevo pokušava iznaći najbolja moguća rješenja, kako bi ublažili novonastalu štetu i posljedice uzrokovane pandemijom koronavirusa.

U okviru mjera za ublažavanje posljedica uzrokovanih pandemijom koronavirusa, u funkciji podrške privredi i privrednicima na području općine Centar, planiramo masovnu plasteničku proizvodnju, odnosno nabavku plastenika za stanovnike koji imaju uslove za njihovo postavljanje.

U cilju pomoći našim sugrađanima i ublažavanju posljedica koje je epidemija koronavirusa prouzrokovala na kućnim budžetima, planirana je nabavka plastenika površine 18m² sa dodatnom opremom i rasadnim materijalom.

Uslovi za dobijanje plastenika su:

- da imate prebivalište na teritoriji općine Centar Sarajevo,
- da posjedujete zemljište minimalne površine 50m² na području općine Centar Sarajevo pogodno za postavljanje plastenika,
- da niste dobili platenik od Općine Centar ili da ste na drugi način nabavili platenik.

Uslovi moraju biti kumulativno ispunjeni.

Kako bismo blagovremeno mogli planirati finansijska sredstva koja su potrebna za ovu namjenu, pozivamo vas da svoju zainteresiranost iskažete popunjavanjem Prijave, koju možete preuzeti na web stranici Općine Centar www.centar.ba ili u najbližoj mjesnoj zajednici.

Popunjena i predata Prijava služit će kao zahtjev za dodjelu plastenika. Stavke koje navedete u Prijavi, Općina će utvrđivati po službenoj dužnosti, a u slučaju dodjele plastenika nadležna Služba će zahtijevati eventualnu dodatnu dokumentaciju.

Svoje prijave možete predati u mjesnoj zajednici ili na protokol Općine Centar, ili poslati putem elektronske pošte, na e-mail ajla.hadzalic@centar.ba, a najkasnije do 24.4.2020. godine.

Sve dodatne informacije možete dobiti putem telefona 033/562-512.
Broj plastenika koje će Općina nabaviti zavisit će od finansijske mogućnosti Općine Centar.

S poštovanjem,


Općinski načelnik
Prof. dr. NEDŽAD AJNADŽIĆ